



Broj: 02-05-2063/18
Trnovo, 23.8.2018. godine

Na osnovu člana 70. Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javnih nabavki broj 02-05-2063/18 od 20.8.2018. godine, u postupku javne nabavke radova – Sanacija regionalnog puta R960 Gornja Grkarica-Babin Do, skupa sa horizontalnom i vertikalnom signalizacijom, Općinski načelnik je d o n i o

ODLUKU

o izboru najpovoljnijih ponuđača za nabavku radova – Sanacija regionalnog puta R960 Gornja Grkarica-Babin Do, skupa sa horizontalnom i vertikalnom signalizacijom

Član 1.

Prihvata se Preporuka Komisije za provođenje postupka javnih nabavki, broj: 02-05-2063/18 od 20.8.2018. godine i ugovor za javnu nabavku radova Sanacija regionalnog puta R960 Gornja Grkarica-Babin Do, skupa sa horizontalnom i vertikalnom signalizacijom, dodjeljuje se ponuđaču Orman d.o.o. Kiseljak, Žrtava domovinskog rata b.b., ponuda broj 434/18 od 25.7.2018. godine, za ponuđenu cijenu nakon održane e-aukcije u iznosu od 978.695,27 KM bez PDV-a, kao najpovoljnije ocjenjenog ponuđača. Nalaže se nadležnoj službi finansija da obezbjedi nedostajuća sredstva od 123.994,47 KM kroz rebalans budžeta

Član 2.

Prijedlog ugovora o nabavci dostavit će se na potpis izabranom ponuđaču, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici www.trnovo.ba, istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-05-2063/18 od 12.6.2018. godine.

Javna nabavka je provedena putem otvorenog postupka sa međunarodnom objavom.

Procijenjena vrijednost javne nabavke bez PDV-a je 854.700,80 KM.

Obavijest o nabavci broj: 886-1-3-41-3-40/18 na Portalu javnih nabavki objavljena dana 21.6.2018. godine.

Komisija za provođenje postupka javnih nabavki dostavila je dana 20.8.2018. godine izvještaj o radu broj: 02-05-1858/18 od 20.8.2018. godine, izvještaj o ocjeni ponuda, izvještaj o toku i završetku aukcije i Preporuku o izboru najpovoljnijeg ponuđača broj: 02-05-1858/18 od 20.8.2018. godine, u postupku javne nabavke radova- Sanacija regionalnog puta R960 Gornja Grkarica-Babin Do, skupa sa horizontalnom i vertikalnom signalizacijom.

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5,
- da je blagovremeno zaprimljeno 5 ponuda.
- da je neblagovremeno zaprimljena 0 ponuda.

Da je ponuda ponuđača Harysco d.o.o. Sarajevo, Bihakačka 1., **neprihvatljiva** iz razloga što nije dostavio dokaze po tački 12.2. Tehnička i profesionalna sposobnost pod a) odnosno nisu dostavljene potvrde o uredno izvršena tri ugovora u zbiru minimalne vrijednosti 700.000,00 KM bez PDV-a i to na poslovima sanacije i asfaltiranja puteva u posljednje tri godine. Isti jena stranicama ponude 24-27 ponude dostavio potvrde i to Potvrdu Iliđaputeva d.o.o. Istočna ilidža za ugovor 06-373-a/16 i periodom izvođenja 30.6.-21.7.2016. godine, potvrdu Hajdić d.o.o. Maglaj za ugovor koji se izvodio u periodu 15.3.2015-20.5.2015. godine, potvrdu JP Cest FbiH broj 01-02.1-9493-1/17-MG od 25.10.2017 godine za ugovor koji se izvodio u periodu

11.5.2015-20.8.2015. godine i potvrdu broj 1-20/1-1574/1/16 SMK od 2111.2016. godine izdatu od OdRaz, Fondacija za održivi razvoj za period izvođenja radova 2014/2015 godina. Iz prednjih potvrda vidljivo je da je samo ugovor za koji je izdao potvrdu Ilidžaputevi d.o.o. Istočna Ilidža izvršen u referentnom periodu (posljednje 3 godine od dana otvaranja) pa prema tome ne ispunjava uvjet propisan tenderskom dokumentacijom o uredno izvršena tri ugovora koja u zbiru imaju 700.000,00 KM bez PDV-a

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

E aukcija je zakazana i održana na dan 17.8.2018. godine na kojoj nije bilo promjena cijena u odnosu na one pročitane na javnom otvaranju:

R.br.	PONUĐAČ	Početna cijena bez PDV-a	Konačna cijena bez PDV-a
1.	Orman d.o.o. Kiseljak, Žrtava domovinskog rata b.b.	978.695,27	978.695,27
2.	MGBH d.o.o. Sarajevo, Lužansko polje 7., Ilidža	1.015.972,47	1.015.972,47
3.	Almy-Transport d.o.o. Zenica, Bistua Nuova do broja 17.	1.183.460,01	1.183.460,01
4.	Grakop d.o.o. Kiseljak, Gromiljak b.b.	1.108.851,01	1.108.851,01
5.	Bosman d.o.o. Sarajevo, Rakovička cesta 18. Ilidža	1.183.804,80	1.183.804,80

Rangiranje ponuđača po održanoj e-aukciji a po kriteriju najniže cijene, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	Orman d.o.o. Kiseljak, Žrtava domovinskog rata b.b.	978.695,27
2.	MGBH d.o.o. Sarajevo, Lužansko polje 7., Ilidža	1.015.972,47
3.	Almy-Transport d.o.o. Zenica, Bistua Nuova do broja 17.	1.183.460,01
4.	Grakop d.o.o. Kiseljak, Gromiljak b.b.	1.108.851,01
5.	Bosman d.o.o. Sarajevo, Rakovička cesta 18. Ilidža	1.183.804,80

Ponuđači su rangirani primjenjujući kriterij najniže cijene, na osnovu kojih je utvrđen i njihov sukcesivni red, odnosno od najuspješnijeg ka najmanje uspješnoj.

Na osnovu naprijed navedenog, odlučeno je kao u članu 1. Odluke.

POUKA O PRAVNOM LIJEKU

Protiv ove odluke može se izjaviti žalba u roku od deset dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:

1. Ponuđačima
2. Finansijama
3. U spis predmeta



Općinski načelnik
Ibro Berilo